



江蘇省地方志編纂委員會辦公室 編

江蘇歷代方志全書

62



江蘇省地方志編纂委員會辦公室編



鳳凰出版社

江蘇歷代方志全書

62

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. -- 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194毫米 1/16
印 張 3253. 25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200. 00圓(全九十九冊)
(本書凡印裝錯誤可向承印廠調換, 電話: 0514-87969255)

海虞別乘(三)

(明) 陳三恪等撰



第六十二册目錄

海虞別乘（三）		〇〇一
康熙常熟縣志（一）		一〇二

集文

五湖宅記海虞繆仲素新治巨艦列几格置琴書其中筆牀茶竈相左右容客可數十人時時遨遊湖海間且命其名曰五湖宅吾嘗與之讌是宅於具區之上仲素將觴有請曰吾宅五湖條東忽西動而未嘗動止而未嘗止寔玄真子之隣也曾不知世間有百萬買宅之宅先生既止予宅得無言乎予笑曰異哉予之宅其宅也今夫一畝之宮一區之宅必相陰陽度原隰未聞卜水吾因子宅有感

四五

矣王侯第之相甲也其穹焉如天深焉如海食客數千百指粉黛之人填樓而牖風雨不動安若泰山自謂享於身傳及於後之人無窮也而近不十年二十年遠不二世三世宅已姓於他矣豈若子之宅若動而能靜若危而能安若邇而能遠而且免傳舍之累也哉然莫物莫大於宇宙而尤莫大於心善論心者謂之寸宅拓寸而大天地不能容太虛吾室也八荒吾庭也日月吾扁牖也視子之宅五湖一粟而已耳子之在四海一區而已

耳能由五湖以卒返斯宅也居其居如釣天廣居
下睇地間渠渠夏屋真蝸殼哉況湖之一粟乎仲
素憮然若有所得醺酒臨風起而自歌曰水之國
兮秋秋水之宅兮浮浮招玄真以友兮鷁夷之與
遊又歌曰太虛兮吾宇八荒兮吾隅居丹臺之廣
居兮吾不知宅之所如併錄為記楊鐵厓集

題天香深處卷後周遜學讀書養親孜孜嗜古學行
隱居而急義昔董生下帷不窺園楊子校書不仕
進周君有其志焉自宋道國公濂溪先生之裔有

八世伯祖寓建甯之浦城登紹聖四年乙未科仕
至禮部尚書德業炳煥五子皆進士榮顯於朝所
居有仙桂堂天香亭天雨清芬樓戶庭之間佳樹
分列秋風扇涼香氣遠達高祖始來居吳祖紫華
先生仕隱樂道每求活人於死地陰功及物奕奕
然向顯異矣年六十六示微疾十許日對客坐語
如常時及午正容斂衣條然而逝葬常熟虞仲山
下後二十七年家為盜所發往易棺斂膚體如生
遍生髭髮爪甲皆長寸餘因改葬吳縣道山之原

見者莫不歎異遜學長身玉立勤儉自持遇人有
禮而純能盡力於孝養卓矣穎出於流俗矣左丞
相伯溫甫深明其必紹隆乎祖德也既名其端居之
室曰傳桂又曰天香深處周公其善夫取喻矣匪
芳之馨惟德之馨繩其祖父光遠以有耀非子其
誰哉若夫山毓秀而石韞玉川容媚而蚌藏珠空
谷蘭芳幽林芝孕德盛而業克又何患人之不知
也已

清閨閣集

明

四

洪武九年丙辰秋七月大水越冬涉春猶未盡平謙
齋錢公甦呈蘇州王太守書云甦自幼好善疾惡
喜正惡邪張氏存日嘗為奸兇所構陷幸而不死
逮我聖朝洪武四年頑民朱原善占甦田地致甦
於獄四月初二日升聞初三日卯時於午門欽承
聖天子哀矜無辜釋賜飽飯當欽奉聖旨鄰里間
些來少去的勾當休和當爭但有人占爾田地及
要害爾性命便來我行告只不要說謊又欽奉聖
旨爾明日回去所經過州縣但遇官吏及稅家子

弟爾便對他說道我幾年幾月幾日見皇帝來皇帝教我省會爾曹我百姓箇箇要安賦役處處要均百姓所以不安賦役所以不均皆由爾貪官汙吏及爾富家愚民交接賄賂壞我法度故也因諭以近日長洲縣唐里長受賞及該吏受刑事爾若到爾本處凡官吏及稅家子弟一個個都要說到欽此未時又於西華樓前欽奉聖旨爾自回去爾的事我自理會甦拜辭行未數步復欽奉聖旨年老無伴不宜夜行顧命葉指揮留賜宿食於儀鸞

〇〇



司內初四日刑部符下應天府轉遞送甦回家初五日甦自京起程所歷去處欽依聖旨施行十五日甦到本縣宣揚聖天子聰明仁武超越古昔及夙夜憂惕懷保小民之意凡厥官吏富民小民罔不震疊歡喜至秋穡禾大熟米原善復占前田結託貪黠恤民周子能及老吏羅祥卿等買囑府縣上下沉溺刑部符文拆毀本縣文案將甦枉問取訖假聖旨招狀枷杻在牢甦男錢迪赴臺伸訴尋復欽承聖旨昭雪獲理甦之微賤不異螻蟻重荷

聖天子再造之恩又被殊遇自念無由報効每與
妻子言及輒感激流涕七年六月本縣差充四十
二都糧長朱幾男迪以事獲罪伏誅竟不克少展
志願九年五月六日本縣勾甦到官為甦甥糧長
虞遠姊弟互訟不決令甦提調本戶稅糧等事甦
條合行事宜呈縣因作男女長幼論并詩一絕又
出曉示於急遞舖前云云衆糧長愕然失色即將
告示揭去十四日甦稟縣官抄虞遠名下上年一
應不了事件限五月內齊了李縣丞省會糧長不

是爾做休要多管甦云甦既提調如何不管且官
司只要事辦官人反嗔甦辦事何也縣丞令祇候
將甦搶下甦知不為衆所容遂潛歸不出今忽自
省甦梵梵一身素為奸貪邪佞所仇疾屢至顛踣
今又以衰憊之餘呈露圭角決無幸全之理一旦
遇害有辜聖天子天地父母垂憐惻怛之意及甦
犬馬區區懷恩罔極之情故謹具呈

洪武十年八月十二日上皇帝書草芥臣錢甦謹言
臣生長海濱世務稼穡稼穡之餘涉獵書史有司

工商之事然自念性質愚魯學問無成甘心草莽
以全性命洪武四年頑民朱原善致臣於訟欽觀
陛下之光華重承再造之大德加以諄諄誨諭飲
之食之寵之異之懷恩罔極忽已七年于茲矣去
年冬伏讀聖旨以五星紊度許天下臣民陳過未
幾復降君難臣不易論以作士氣是誠天下蒼生
之福而臣犬馬致報萬一之秋也臣身已老口尚
能言夫以陛下之心公如天地明並日月復何過
哉然臣嘗讀洪範有曰庶民惟星是則五星之紊

五十

度豈斯民猶有不安者乎願陛下深體天之所以
生大聖人之意而復唐虞三代之治德以化之刑
以肅之使凡天下之民無一不得其所以至於草
木鳥獸亦各有以遂其生焉則夫地日月四時鬼
神皆不能有違乎陛下又何星辰災變之有哉且
陛下具有古聖人之德以之而行古聖人之事猶
反掌耳漢唐之盛不足道也臣愚以為當今之務
所宜先者有六一曰辨華夷二曰均田產三曰慎
刑罰四曰尚廉恥五曰復古學六曰造人材六者